

توبى حقيقي

حقيقي توبه



كاشغر شهر يده سوتيان فوينك تانك نينك باسمه خانه سيده باسيلدى

ميلاد مسيح نينك ۱۹۲۶ نجى يلبده

❖ حقیقی توبه ❖

❖ بسم الله الرحمن الرحيم ❖

ای خداوند سن عادل دورسن و حکم لارینک راست دورلار.
فاسقلار حکمده و یا کناه کارلار عادل لارینک جماعتیده تورمایدورلار. (زبور) توبه قیلینکلار.
پس توبه کا لایق میوه قیلینکلار. (انجیل).

خدای تعالی همه ایشلاریده عادل و پاک بولوب هر کناه و فاسقلیق فی یان کورادور اینک اوچون
کناه کارلار اینک حضوریدا تورالمایدورلار و فاسق آدم بهشت کا کیرالمایدور. راست اویلاب باساق
بیلورمیز که هر آدم قانچه یخشی بولسه هم خدانینک الیدیا ناپاک کراه کناه کار توروب جنهم کا لایق دور
هیچ آدم پاک ایماس.

اینک اوچون توبه قیلماق هر آدم نینک همه دین ضرور ایشی دور و انداغ بولسه توبه دیکان نمه
ایکان نمه ایماس دیب بیلماک هم نهایت ضرور دور تولا آدم لار توبه توبه مینک توبه دیب یورورلار
لیکن قیلغان عمل لاریدین و ایتقان سوزلاریدین معلوم بولور که اولار مینک توبه دیکانی برله راست توبه
قیلغان ایماس دورلار.

اول اوز کناهی فی بیلماک آدم کا لازم دور انجیل شریفده اینک باره سیده کلیب دور: اگر کناهی میز
یوق دور دیساک اوز اوزومیزی الدارمیز و بیزده حقیقت یوق دور. بر کشی من باشقه آدم دین یان ایماس
من و یا فلان کشی قیلغان کناهی من قیلما دیم دیسه هیچ فائده سی یوق خدانینک اراده سیکا موافق بولماغان
هر عمل هر سوز و هر خیال کناه بولادور پس آدم اوز دل فکر لارینی و عمل لارینی خدا اوز مقدس
کتاب لاریدا ظاهر قیلغان قدس اراده سی نینک الیدیه کلتورسه کناه اشکارا بولادور.

کناهی بیلکاندین کین فی اقرار قلیب خدادین مغفرت تیلماک آدمغه واجب دور باشقه آدمغه
قیلغان کناهی شول آدمغه اقرار قلیب اینکدین هم عفو تیلماک لازم دور. زبوردا کلیب دور: کناهی فی
سنگا بیلدوروب بوز و غلوقوم فی یا شور ماب دور من. خداوند کا عصیان لاریم فی اقرار قیلای دت اتم و سن

کناهم نینک بوزو غلوقی فی باغیشلادینک. انجیل شریفده هم کلب دور؛ اگر کناه لاریمیزی اقرار قلساق خدا بیزینک کناه لاریمیزی باغیشلاغالی و بیزی بارچه حق سزلیقدین پاک قیلغالی امین و عادل دور.

هم کناه اوچون غمکین و یومشاق کونکل برله و کناه فی تاشلاماق نینک نیتی برله توبه قلیب خدادین مغفرت تیلماک لازم دور. خلق توبه کناه فی یوق قیلادور دیب ایتادور توبه راست بولسه ایننک برله کناه لاریننک عفوسی بریلادور لیکن توبه قیلدیم دیکان برله کناه یوق بولمایدور تولا آدم لار توبه قیلدوق دیب ایتیب یورادور لار لیکن ایلکاری تورغان حالدا قالدور بالدورقی دین پاک و عادل بولماک دور پس معلوم دور که اولار راست توبه قیلماک دور لار راست توبه قیلغان آدم فاسغلیق حالیدا تورمای کناهی فی تاشلاب عادل بولادور توبه اغیزینک سوزی برله تمام بولمایدور بر آدم توبه توبه مینک توبه قیلدیم دیب توروب همان اول ایلکاری قیلغان کناه لارنی تخی قلیب یورسه آشکارا معلوم بولور که اول آدم اصلا توبه قیلغان ایماس مثلا بر اوغری اوغورلوقوم دین توبه قیلدیم دیب ینه باریب اوغورلوق قلسه یا بوزوق آدم بوزو غلوقوم دین توبه قیلدیم دیب تخی بوزوق رفتار قلسه و یا غیبت کب قیلغوجی توبه یوزمینک توبه دیب یوروب تخی خلق نینک غیبتی فی قلسه معلوم دور که انداغ آدم لار نینک توبه سی راست ایماس و هر کیز قبول بولمایدور انداغ توبه قیلغان کشی قول یوزینی یوب قول لاری تخی هول چاغدا اوزینی فرا ایس برله سورکاب اتکان آدم غه اوخشایدور کشی شونداغ قلسه قول یوزی بالدورقی دین قرائق بولادور شونینکته اوخشاش توبه قیلدیم دیب ایتیب تورغان آدم فاسغلیقی فی تاشلاغالی اونا ماسه یالغان توبه قیلغانی برله کناهی فی زیاده قیلادور.

پس راست توبه قیلادورغان آدم قیلغان کناهی فی بیلیم یا شورمای اقرار قلیب همه فاسغلیقی فی تاشلاغالی نیت قلیب خدادین مغفرت تیلایدور خدای تعالی انداغ آدم نینک توبه سی فی قبول قلیب کناه لارینی مغفرت قیلادور شو یول برله کناه کار آدم عادل بولوب ینکی بر آدم دیک بولور نیتی پاک خواهشی درست و رفتاری توزوک بولادور .

لیکن آدم دیکان اوز قدرت قوتیدین کناه لارینی تاشلا بولمایدور پاک بولوب بوزو غلوقوم فی تاشلاقی دیب قانچه جدوجهد قلسه کناه انکا کوچلوق کلب انی باسادور. خدای تعالی انسان نینک عاجزلیقی فی بیلیم بیز کا بر عادل پاک قدرتلیک و مهربان یاردم بر کوچی و قوتقازغوجی یعنی عیسی مسیح فی بریب دور اول قوتقازغوجی خداننک تقدیری بیان کناه لاریمیزی نینک مغفرتی اوچون اوز جانی فدا قیلغان و عدالتیمیز اوچون تیریلیب قوپوب اسمانته چیقیب دور بو عمل لاری برله اول بر کامل قوتقازغوجی بولوب ایشانکالار اوچون شفاعت قیلغوجی بولوب دور نچوک که ایننک باره سیده انجیل شریفده کلب دور؛ همه بیغمبرلار انکا کواهیق برورلار که هر کیم انکا ایشانسه ایننک اسمی برله کناه لاریننک باغیشلانماقی فی الور .

